



KEMENTERIAN KOMUNIKASI  
JABATAN KOMUNIKASI KOMUNITI

## SIARAN MEDIA

### MAJLIS SANTUNAN IHSAN @ SUNGAI PETANI, KEDAH PERKUKUH NILAI KEPRIHATINAN DAN KEBERSAMAAN

**Sungai Petani, 4 April 2026** – Jabatan Komunikasi Komuniti (J-KOM) dengan kerjasama strategik Kementerian Pendidikan Malaysia (KPM) menganjurkan Majlis Santunan Ihsan @ Sungai Petani, Kedah yang berlangsung di Dewan Institut Pendidikan Guru Kampus Sultan Abdul Halim (IPGKSAH) sebagai sebahagian daripada inisiatif Program Komuniti MADANI Rakyat (PKRM).

Majlis ini dilaksanakan berteraskan aspirasi Malaysia MADANI yang menekankan nilai ihsan, kesejahteraan, hormat dan kebersamaan sebagai asas pembinaan masyarakat dan negara yang inklusif serta berdaya tahan. Program ini telah disusun dengan pendekatan yang lebih menyeluruh dengan menitikberatkan prinsip kesederhanaan, keprihatinan dan tanggungjawab sosial, melalui pelaksanaan aktiviti yang memberi manfaat secara langsung kepada komuniti setempat.

Sebagai program satelit di bawah PKRM, penganjuran Majlis Santunan Ihsan ini menjadi platform penting dalam usaha menyantuni masyarakat, khususnya melalui penyampaian sumbangan kepada golongan yang memerlukan serta pelaksanaan pengisian kebajikan komuniti yang selari dengan nilai Ihsan.

Program ini dianjurkan dengan beberapa objektif utama, antaranya:

- Menyantuni masyarakat, khususnya golongan asnaf dan yang memerlukan;
- Menzahirkan nilai ihsan, keprihatinan dan kebersamaan dalam kalangan masyarakat;
- Menyediakan platform interaksi secara langsung antara kepimpinan kerajaan, agensi berkaitan dan komuniti setempat; dan
- Memupuk semangat kebersamaan serta tanggungjawab sosial dalam kalangan rakyat

Majlis ini mencerminkan komitmen berterusan J-KOM dalam memperkukuh hubungan antara kerajaan dan rakyat melalui pendekatan komunikasi yang inklusif, berempati dan berteraskan nilai kemanusiaan.

Melalui program seperti ini, J-KOM terus memainkan peranan sebagai penghubung komuniti dalam memastikan setiap lapisan masyarakat merasai kehadiran kerajaan serta manfaat inisiatif yang dilaksanakan di bawah kerangka Malaysia MADANI.

**Dikeluarkan oleh:**

**Jabatan Komunikasi Komuniti (J-KOM)**